

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-14-Z/26

Kakanj, 29.01.2026. godine

Z A P I S N I K

**sa 14. redovne sjednice Općinskog vijeća održane 29.01.2026. godine (četvrtak)
u sali Općinskog vijeća sa početkom u 09:00 sati
(sažetak zapisnika)**

Predsjedavajući Općinskog vijeća Slaven Katičić je pozdravio prisutne i otvorio 14. redovnu sjednicu Općinskog vijeća.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Hamza Vahid El-Din, Amel Kusić, Dženan Ajdinović, Tarik Hodžić, Edin Čatić, Ilhana Alajbegović, Sanda Hasagić-Terzić, Mustafa Subašić, Ilda Arnautović i Izudin Hrusto (**SDA**)

Mensur Čehajić, Senad Softić Sanel Šabanović, Vinka Aletović, Adem Bečirhodžić i Edin Šljivo, Irna Imamović (naknadno pristupila) (**SDP BiH**)

Adnan Demir i Mensur Bliznović (**NV**)

Dževdet Huskić (naknadno pristupio) i Branko Češljić (naknadno pristupio) (**NS**)

Mirsad Tursum i Fahrudin Buza (**NiP**)

Mirela Kubura i Nermana Mehić (**SN**)

Rešad Merdić (**S BiH**)

Slaven Katičić (**HDZ BiH**)

Armin Bašić (**DF**)

Mujo Fafulić (**nacionalne manjine**)

Odsutni vijećnici: Mirnes Pipo (**NV**)

Predsjedavajući je konstatovao da je na sjednici u momentu prijave prisutno 26 vijećnika i vijećnica, te su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Mirnes Bajtarević, općinski načelnik

Emir Zaimović, sekretar Općinskog vijeća

Ramiz Hasić, pomoćnik općinskog načelnika za finansije

Mirza Fazlić, pomoćnik općinskog načelnika za privredu, urbanizam i zaštitu okoline

Edin Aliefendić, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Bahrudin Arnaut, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

Nurudin Hrusto, pomoćnik općinskog načelnika za civilnu zaštitu

Mahir Sikira, šef Stručne službe za poslove općinskog načelnika
Izudin Puščul, direktor Zavoda za planiranje i izgradnju Općine Kakanj

Izjesticoci, obrađivači, gosti

Slobodan Gelić – predstavnik firme „Radis“

Amir Dedić – predsjednik Komisija za izradu izmjena i dopuna Odluke o organizaciji i sigurnosti saobraćaja na putevima

Predstavnici medija

NTV IC Kakanj
Radio Kakanj

Napomene o radu Kolegija Općinskog vijeća

Predsjedavajući je napomenuo da je u pripremi 14. redovne sjednice Općinskog vijeća, Kolegij održao sjednicu dana 21.01.2026. godine i razmatrao pristigle predstavke, prijedloge i inicijative, te je po istima zauzeo stavove i prosljedio ih nadležnim službama i organima na daljnje postupanje.

Usvajanje zapisnika sa 13. redovne sjednice Općinskog vijeća

Nije bilo primjedbi na zapisnik i isti je usvojen jednoglasno sa 26 glasova ZA.

Komentari na dostavljene odgovore na vijećnička pitanja

Armin Bašić: je rekao da nije dobio odgovor na postavljeno pitanje od Odsjeka za inspekcije i da to nije jedinstven slučaj obzirom da u posljednje vrijeme od Odsjeka za inspekcije nije dobio odgovore na nekoliko postavljenih vijećničkih pitanja. U tom smislu je pozvao na odgovorniji rad organa državne službe i dosljednu primjenu Poslovnika o radu Općinskog vijeća.

Komentari na dostavljena mišljenja na vijećničke inicijative

Nije bilo komentara na dostavljena mišljenja na vijećničke inicijative.

Vijećnička pitanja

Dževdet Huskić: je postavio dva vijećnička pitanja. Prvo pitanje je ko i po čijem nalogu vrši sječu stabala u naselju Termoelektrana? Prema saznanju od mještana naselja TE, do novembra prošle godine su posječena 4 velika i najmanje 10 manjih platana, pa je pitao ko je izdao nalog, na osnovu kojeg razloga i ko vrši sječu platana? Podsjetio je da se u odgovoru Zavoda za planiranje i izgradnju Općine Kakanj na slično pitanje, od novembra 2025. godine, navodi da Zavod nije izdao nikakav nalog za sječu platana. U međuvremenu je posječeno još jedno veliko stablo, a također se ne zna ko i po čijem nalogu. Drugo pitanje je koliko je tzv. „zona u kojima je nemoguća odbrana“ (od vode) na prostoru općine Kakanj i postoje li planovi za rješavanje problema s poplavama za mještane tih područja? Naime, u proteklim danima se općina Kakanj suočila sa izlivanjem rijeka iz korita usljed padavina i topljenja snijega, a na FB stranici „Općina Kakanj – načelnik“ je upotrijebljen termin „zone nemoguće odbrane“, pa ga zanima koliko je tih zona u kojima je nemoguća odbrana od vode na prostoru općine Kakanj i postoje li planovi za rješavanje problema s poplavama za mještane tih područja?

Mirela Kubura: je postavila dva vijećnička pitanja. Prvo pitanje je koliko je sredstava uloženo u vodosnabdijevanje pitkom vodom na području općine Kakanj i to: - ukupan iznos sredstava uloženi u posljednjih deset godina, prema izvorima finansiranja (sredstva iz budžeta Općine Kakanj, sredstva sa viših nivoa vlasti i eventualna donatorska ili druga sredstva; - pregled projekata i/ili lokaliteta na koje su se navedena ulaganja odnosila; - informacija o planiranim ulaganjima u narednom periodu? Drugo pitanje je da li su i na koji način, planirane ili provedene mjere pomoći poljoprivrednim proizvođačima na području općine Kakanj, kojima su usljed elementarnih nepogoda, odnosno velikih količina snijega, oštećeni ili uništeni platenici, voćnjaci i druge poljoprivredne kulture, te da li je izvršena procjena nastale štete na platenicima, voćnjacima i drugim kulturama, te kod koliko proizvođača?

Adnan Demir: je postavio vijećničko pitanje po kojim kriterijima je vršena raspodjela zona zimskog održavanja između ugovorenih izvođača i da li su ti kriteriji uzimali u obzir značaj gradske zone i frekvenciju saobraćaja, te da li je Zavod vršio nadzor nad izvršavanjem ugovornih obaveza angažiranih privrednih subjekata tokom obavljanja posla i ako jeste kako objašnjava evidentno lošije stanje puteva u zonama koje održava JP „Vodokom“? Navodi da je bilo evidentno, tokom posljednjih obilnih snježnih padavina, da su putevi koje održava „Trgosped“ bili uglavnom uredno i pravovremeno očišćeni, uključujući putne pravce prema ruralnim područjima, dok su putevi u gradskoj zoni, za čije održavanje je zadužen Vodokom, bili izrazito loše očišćeni sa danima neprohodnim trotoarima. Zbog navedenog se desila apsurdna situacija da je nakon velikih snježnih padavina bilo lakše doći iz sela u grad nego kretati se unutar same gradske zone.

Predsjedavajući je konstatovao da je vijećnik Edin Šljivo postavio vijećničko pitanje bez korištenja govornice.

Edin Šljivo: je postavio vijećničko pitanje zašto je već nekoliko dana došlo do obustave osvjjetljenja u ulici 1. mart u naselju Povezice i koji su razlozi da rasvjetna tijela nisu u funkciji? Napomenuo je da su u istoj ulici tri sijalice bile neispravne još u vrijeme dok je rasvjeta radila u ostatku ulice.

Vijećničke inicijative

Dževdet Huskić: je pokrenuo dvije vijećničke inicijative. Prva inicijativa je da se izvrši obilazak obala rijeka i potoka na prostoru općine Kakanj i hitno izvrši uklanjanje prepreka koje su nastale u aktuelnim poplavama. Naveo je primjer u Čatićima gdje su tri stabla oborena preko rijeke Trstionice i prijete stvaranjem bazena/prepreka koje mogu izazvati izlivanje rijeke i plavljenje okolnog područja, što nije jedini slučaj u Kakanju. Druga inicijativa je da se u zapisnicima sa sjednica Općinskog vijeća rezultati glasanja po tačkama navedu pojedinačno, onako kako je koji vijećnik glasao. Smatra da bi korisno bilo da se nakon izvještaja po tačkama i rezultata glasanja iskazanog brojevima navede i kako je koji vijećnik ili vijećnica glasao/la po tačkama dnevnog reda.

Vinka Aletović: je pokrenula vijećničku inicijativu za proširenje sistema daljinskog grijanja u ulici 1. maj u naselju Bare. Naime, domaćinstva u prvom dijelu naselja Bare imaju gradsko grijanje (toplifikacije je davno provedena), pa je predložila da se i preostali dio naselja priključi na sistem daljinskog grijanja, kako bi i na taj način doprinijeli ekološkom aspektu, jer veliki dio domaćinstava koristi ugali i drvo za zagrijavanje svojih domova.

Senad Softić: je pokrenuo dvije vijećničke inicijative. Prva inicijativa je da se u nekom od programa za 2026. godinu, planiraju sredstva za dopunu postojećih rezervoara pitke vode u sušnom periodu u MZ Bištrani, a do završetka projekta gradskog vodovoda. Naveo je da MZ Bištrani već duži vremenski period ima ozbiljan i kontinuiran nedostatak pitke vode što direktno utiče na normalno odvijanje života mještana, osnovne higijenske potrebe, kao i ukupne životne i zdravstvene uslove stanovništva. Drugom inicijativom je tražio da se u nekom od programa za 2026. godinu, planira izgradnja zaštitne ograde u MZ Koprivnica – Podružnica „Jezero“. Razlog za inicijativu je što na dionici lokalnog puta poznatoj kao „Valdol“ postoji ozbiljna opasnost od izljetanja vozila sa kolovoza. Postavljanjem zaštitne ograde značajno bi se smanjio rizik od saobraćajnih nezgoda, slijetanja i doprinijelo bi sigurnosti svih mještana, a posebno učesnika u saobraćaju.

Mirela Kubura: je pokrenula vijećničku inicijativu za izmjene i dopune Odluke o sufinansiranju troškova prevoza redovnih učenika srednjih škola. Razlog za inicijativu je što na području općine Kakanj značajan broj učenika srednjih škola živi u područjima u kojima nije uspostavljen redovan linijski prevoz. Radi se o naseljima koja su udaljena od najbližih autobuskih linija i po nekoliko kilometara, zbog čega učenici nemaju mogućnost korištenja mjesečnih karata za javni prevoz. Takvi primjeri su naselja Brnj, Slapnica, Bukovlje, Bištrani, Mramor, Čizmići, Javor i druge mjesne zajednice. Zbog navedenog učenici su primorani koristiti alternativne oblike prevoza, kao što su privatni prevoz, taksi usluge i slično. Iz tih razloga je predložila da se izmjenama i dopunama Odluke uredi sljedeće: - uvrsti pravo na subvenciju troškova prevoza i za učenike koji nemaju uspostavljen linijski prevoz i koji do škole dolaze korištenjem alternativnih oblika prevoza; - uvrsti pravo na subvenciju troškova prevoza i za učenike koji koriste linijski prevoz, ali su zbog udaljenosti prve autobuske stanice ili stajališta, primorani do iste koristiti alternativne oblike prevoza; - utvrde jasni i transparentni kriteriji za ostvarivanje prava.

Mensur Čehajić: je pokrenuo vijećničku inicijativu za sanaciju dijela puta na ulazu naselja Plandište gdje su nastala značajna oštećenja ceste sa većim brojem udarnih rupa, zbog čega je trenutno otežano i nesigurno kretanje automobila i pješaka. Obzirom da se radi o dosta frekventnom putu sa stalnim saobraćajem tokom cijelog dana, čime se direktno ugrožava sigurnost svih učesnika u saobraćaju neophodno je sto prije izvršiti sanaciju jer svako dalje odlaganje može dovesti do oštećenja vozila i nemogućnosti pristupa naselju.

Predsjedavajući je konstatovao da su vijećnici: Sanel Šabanović, Edin Šljivo i Armin Bašić podnijeli vijećničke inicijative bez korištenja govornice.

Sanel Šabanović: je pokrenuo dvije vijećničke inicijative. Prva inicijativa je za proširenje toplifikacije na lijevu stranu ulice 311. lahke brigade. Naglasio je da je toplifikacijom jedne strane ulice 311. lahke brigade (parni brojevi stambenih jedinica) došlo do vidljivog smanjenja zagađenja zraka koje je enormno visoko u tom dijelu grada, zbog velikog broja individualnih ložišta i to uglavnom velikih stambeno-poslovnih jedinica. Tražio je da se uzme u prioritet proširenje toplifikacije na drugu stranu ulice, te napomenuo da su stanovnici iste izrazili spremnost na pomoć (na bilo koji način) pri realizaciji izrade projektne dokumentacije za podstanicu i toplovod. Podsjetio je da je TC Kakanj izrazila spremnost na finansijsku podršku stanovnicima ulice za realizaciju tog infrastrukturnog projekta. Druga inicijativa se odnosi na sanaciju javne površine i uklanjanje postojeće betonske ploče iza Solitera 1 i asfaltiranje istog prostora. Cilj inicijative je proširenje praking prostora i omogućavanje lakšeg pristupa zgradi, zašto je potrebno izvršiti rušenja bespravno izgrađene betonske ploče na bočnoj strani i iza Solitera 1.

Edin Šljivo: je pokrenuo dvije vijećničke inicijative. Prva inicijativa je za popravak rasvjetnih tijela u ulici ZPO br. 112. Naveo je da već duži vremenski period u ulici ZPO br. 112 (kod stepenica koje vode prema Domu zdravlja i dječijim vrtićima) rasvjetna tijela nisu u funkciji. Nužnost popravke rasvjetnih tijela vidi u činjenici da je to mjesto frekventno, odnosno istim svakodnevno prolazi veći broj pješaka (bolesnici, djeca i dr.), zbog čega ga je neophodno osvijetliti što prije. Druga inicijativa je za dodjelu finansijskih sredstava Lovačkom društvu "Srndač" Kakanj, u iznosu od 5.000,00 KM, za dvije lovačke sekcije Brnjic i Hodžići. Naime, lovačke sekcije Brnjic i Hodžići imaju nekoliko lovačkih objekata koje trebaju rekonstrukciju, nadogradnju, utopljanje i slično, na lokacijama Kondžilo, Izvor Žuće, Karići i dr. Obzirom da te sekcije nisu u stanju da uredi i održavaju svoje pomoćne objekte predlaže da se sredstva obezbjede u iz Programa rasporeda sredstava za sport za 2026. godinu (Sredstva rezervi), a sve imajući u vidu značajnu funkciju lovaca u društvenom životu općine Kakanj i učestvovanje u raznim društvenim aktivnostima (prokresavanja staza za planinarenje i njihovo održavanje, pošumljavanja, održavanje brojnosti prekomjerne divljači, prehranjivanje divljači i dr.).

Armin Bašić: je pokrenuo vijećničku inicijativu za hitnu pripremu uslova za sanaciju cestovne infrastrukture na području cijele općine Kakanj. Ističe da je cestovna infrastruktura nakon niskih temperatura i obilnih padavina, te naglog otapanja snijega uništena, pa je neophodno blagovremeno reagovati i pripremiti sredstava za sanaciju kako ceste u tom stanju ne bi dočekale ljeto, čime bi se istovremeno spriječila dalja destrukcija puteva.

Utvrđivanje dnevnog reda

Prijedlog dnevnog reda je usaglašen na sjednici Kolegija 21.01.2026. godine, pa je predsjedavajući predložio dnevni red po pozivu za 14. redovnu sjednicu.

U diskusiji o dnevnom redu je učestvovao Dževdet Huskić.

Dževdet Huskić: je predložio da se sa dnevnog reda povuku prve dvije tačke dnevnog reda (*Nacrt odluke o izmjenama i dopunama Regulacionog plana „Kakanj“ i Nacrt odluke o provođenju Regulacionog plana „Kakanj“*) i to najmanje za narednu sjednicu Vijeća, a sve kako bi se uzele u obzir pristigle primjedbe na predložene nacрте.

Nakon diskusije Vijeće se prvo izjašnjavalo o prijedlogu vijećnika Huskića, a isti nije prihvaćen sa 6 glasova ZA, 4 glasa PROTIV i 19 glasova UZDRŽAN, te se potom Vijeće izjašnjavalo o prijedlogu predsjedavajućeg koji je prihvaćen sa 23 glasa ZA, bez glasova PROTIV i 5 glasova UZDRŽAN.

Usvojeni dnevni red

1. Nacrt odluke o izmjenama i dopunama Regulacionog plana „Kakanj“
2. Nacrt odluke o provođenju Regulacionog plana „Kakanj“
3. Nacrt odluke o uslovima korištenja električnih romobila i njima sličnih pomoćnih prevoznih sredstava u saobraćaju
4. Prijedlog odluke o davanju na upravljanje, korištenje i održavanje poslovnog objekta u Kaknju JU Centar za socijalni rad Kakanj
5. Prijedlog odluke o davanju na privremeno korištenje prostorija Vatrogasnog doma Kraljeva Sutjeska Udruženju žena općine Kakanj „UŽOK“
6. Godišnji plan rada Općine Kakanj za 2026. godinu
7. Prijedlog odluke o izmjeni i dopuni Odluke o utvrđivanju kriterija raspodjele sredstava za sport iz Budžeta Općine Kakanj
8. Izvještaj o realizaciji Programa rasporeda sredstava za sport za 2025. godinu
9. Prijedlog programa rasporeda sredstava za sport za 2026. godinu
10. Izvještaj o realizaciji Programa rasporeda sredstava boračkim udruženjima za 2025. godinu
11. Prijedlog programa rasporeda sredstava boračkim udruženjima za 2026. godinu
12. Izvještaj o realizaciji Programa rasporeda sredstava za obilježavanje značajnih datuma za 2025. godinu
13. Prijedlog programa rasporeda sredstava za obilježavanje značajnih datuma i manifestacija za 2026. godinu
14. Izvještaj o realizaciji Programa utroška namjenskih sredstava za zaštitu okoline Općine Kakanj za 2025. godinu
15. Izvještaj o realizaciji Programa utroška sredstava iz Budžeta Općine Kakanj za podsticaj razvoja poduzetništva i obrta za 2025. godinu
16. Izvještaj o realizaciji Programa utroška sredstava iz Budžeta Općine Kakanj za podsticaj u poljoprivredi za 2025. godinu
17. Prijedlog odluke o razrješenju Maje Benić – člana Općinske izborne komisije

Vijeće je vodilo objedinjenu raspravu po tačkama 3. i 4. dnevnog reda.

1. Tačka

Nacrt odluke o izmjenama i dopunama Regulacionog plana „Kakanj“

2. Tačka

Nacrt odluke o provođenju Regulacionog plana „Kakanj“

Predlagač: Općinski načelnik

Obrađivač: Služba za privredu, urbanizam i zaštitu okoline

Izjavitelj: Mirza Fazlić, pomoćnik općinskog načelnika i Slobodan Gelić – predstavnik firme „Radis“

U diskusiji je učestvovao Dževdet Huskić.

Dževdet Huskić: je upitao na osnovu čega je plato kod solitera 3 planiran planiran kao parking kad je u pitanju pješačka zona što potvrđuje i Rješenje Odsjeka za inspekcije Općine Kakanj i da li je ovim planom umanjen prostor koji je svojevremeno prodat zeničkoj firmi, a nalazi se do kružnog toka kod zgrade Općinskog suda u Kaknju.

Slobodan Gelić (odgovor): je odgovorio da je plato kod solitera neuređen i da se planira napraviti parking prostor za stanare koji tu žive kao i da se dio prostora uredi u pješačku zonu, a to se radi iz potrebe za parkingom stanara. U vezi poslovnog prostora kod kružnog toka rekao je da je izgradnjom saobraćajnice taj prostor već umanjen za 7-8m, te da se ovim planom zadržava postojeće stanje.

Nakon rasprave Vijeće je usvojilo Zaključak o utvrđivanju Nacrta odluke o izmjenama i dopunama Regulacionog plana „Kakanj“, sa 23 glasa ZA, bez glasova PROTIV i 5 glasova UZDRŽAN, te Zaključak o utvrđivanju Nacrta odluke o provođenju Regulacionog plana „Kakanj“, sa 22 glasa ZA, bez glasova PROTIV i 5 glasova UZDRŽAN, sve sa rokom javne rasprave u trajanju od 30 dana, u periodu od 30.01-28.02.2026. godine.

Uslijedila je pauza od 10' na prijedlog kluba vijećnika Naša stranka.

3. Tačka

Nacrt odluke o uslovima korištenja električnih romobila i njima sličnih pomoćnih prevoznih sredstava u saobraćaju

Predlagač: Općinski načelnik

Obrađivač: Komisija za izradu izmjena i dopuna Odluke o organizaciji i sigurnosti saobraćaja na putevima

Izjavitelj: Amir Dedić, predsjednik Komisije

U diskusiji su učestvovali: Armin Bašić, Mirela Kubura i Irna Imamović.

Armin Bašić: je rekao da je odluka dobrodošla zbog sveukupne sigurnosti svih učesnika u saobraćaju. Dodao je da bi bilo poželjno da se starosna dob poveća i da predmetnim prevoznim sredstvima upravljaju lica starija od 14 godina, a ne 12 kako je odlukom predviđeno. Također, istaknuo je problematiku osiguranja, jer ta vozila ne podliježu zakonskoj regulativi iz oblasti osiguranja, te je upitao da li postoji neki način da se nadoknadi šteta ukoliko lica koja upravljaju vozilima izazovu materijalnu ili neku drugu štetu.

Mirela Kubura: je rekla da je propušteno naznačiti i dobnu granicu djece koja će vozila koristiti na pješačkoj zoni i biciklističkoj stazi, jer je dobna granica naznačena za vožnju na ulici. Upitala je da li se podrazumijeva da se mlađa djeca mogu voziti na tim vozilima na biciklističkoj stazi, da li je urađena procjena rizika za djecu mlađu od 12 godina i zbog čega nije uključena barem osnovna obuka saobraćajnih propisa za korisnike tih vozila.

Amir Dedić (odgovor): je rekao da je na prijedlog članova Komisije koji su iz PS Kakanj predložena starosna dob od 12 godina jer djeca do te dobi kroz osnovno obrazovanje imaju dovoljno znanja o saobraćajnim propisima, a djeca od 14 godina, pošto zakonski imaju mogućnost upravljati motociklima imaju i zakonski obaveznu saobraćajnu obuku. U vezi primjedbe da se ograničenje starosne dobi odnosi samo na cestovni saobraćaj, rekao je da je primjedba dobrodošla jer starosno ograničenje važi za sve površine kojima se vozilom upravlja, a ne samo cestovnim i da će se to i naznačiti preciznije. U vezi naknade za štetu rekao je da osiguravajuće kuće nemaju mehanizme niti imaju namjeru ova vozila uvoditi u svoje osiguravajuće police, tako da je ostavljena mogućnost pokretanje građanske parnice.

Armin Bašić: je rekao da bi, zbog obavezne obuke saobraćajnih propisa za upravljanje tom vrstom vozila koja najviše podsjeća na moped, starosna dob trebala biti pomjerena na 14 godina.

Irna Imamović: je rekla da se u odluci trebaju predvidjeti i ograničenja brzine električnih romobila na biciklističkoj stazi maksimalno 15km/h i maksimalno 20km/h na kolovozu.

Amir Dedić (odgovor): je odgovorio da Policijska stanica nije opremljena da bi mogla praktično ustanoviti brzinu kretanja predmetnih vozila, te da je u članu 3. Odluke naznačeno da: „*Lice koje upravlja romobilom dužno je prilagoditi model vožnje romobila dozvoljenoj brzini u saobraćaju i isto na zahtjev ovlaštenog službenog lica dokazati uvidom u programski displej i konstrukcione podatke za romobil.*“ I to je trenutno jedina mogućnost kontrole brzine.

Nakon rasprave Vijeće je jednoglasno sa 27 glasova ZA usvojilo Zaključak o utvrđivanju Nacrta odluke o uslovima korištenja električnih romobila i njima sličnih pomoćnih prevoznih sredstava u saobraćaju, sa rokom javne rasprave u trajanju od 30 dana, u periodu od 30.01-28.02.2026. godine.

4. Tačka

Prijedlog odluke o davanju na upravljanje, korištenje i održavanje poslovnog objekta u Kaknju JU Centar za socijalni rad Kakanj

Predlagač: Općinski načelnik

Obrađivač: Služba za imovinskopravne, geodetske poslove i katastar nekretnina

Izjavitelj: Mirnes Bajtarević, općinski načelnik

U diskusiji nije niko učestvovao i Vijeće je jednoglasno sa 28 glasova ZA usvojilo Odluku o davanju na upravljanje, korištenje i održavanje poslovnog objekta u Kaknju JU Centar za socijalni rad Kakanj.

5. Tačka

Prijedlog odluke o davanju na privremeno korištenje prostorija Vatrogasnog doma Kraljeva Sutjeska Udruženju žena općine Kakanj „UŽOK“

Predlagač: Općinski načelnik

Obrađivač: Služba za imovinskopravne, geodetske poslove i katastar nekretnina

Izjavitelj: Mirnes Bajtarević, općinski načelnik

U diskusiji nije niko učestvovao i Vijeće je jednoglasno sa 28 glasova ZA usvojilo Odluku o davanju na privremeno korištenje prostorija Vatrogasnog doma Kraljeva Sutjeska Udruženju žena općine Kakanj „UŽOK“.

6. Tačka

Godišnji plan rada Općine Kakanj za 2026. godinu

Predlagač: Općinski načelnik

Obrađivač: Stručna služba za poslove Općinskog načelnika

Izjavitelj: Mirnes Bajtarević, općinski načelnik

U diskusiji je učestvovao Dževdet Huskić.

Dževdet Huskić: se osvrnuo na nejasnoće u dokumentu koje predviđaju ulaganja u projekte koji se ne poklapaju sa naslovima i tabelarnim pozicijama, kao što je npr: *tačka 15. Pобољшanje medicinske dijagnostike uz upotrebu modernih aparata, opreme i vozila*, a projekt glasi: *15.1. Sufinansiranje gradnje ambulante na Plandištu i zgrade Hitne pomoći*, *tačka 16. Povećanje stepena vakcinacije djece predškolskog i školskog uzrasta*, a projekt je *16.1. Sufinansiran rad Službe hitne medicinske pomoći JU Dom zdravlja sa stacionarom Kakanj* i *tačka 17. Promocija i jačanje svijesti o značaju imunizacije*, a projekt je *17.1. Transfer JU Dom zdravlja Kakanj – ultrazvučni pregled žena*.

Općinski načelnik (odgovor): je rekao da su se podaci povukli iz trogodišnjeg plana gdje su ostale mjere usljed čega je i došlo do ovakvog prikaza, što ne znači da se projekti/aktivnosti koji su naznačeni neće provesti.

Nakon rasprave Vijeće je jednoglasno sa 28 glasova ZA usvojilo Godišnji plan rada Općine Kakanj za 2026. godinu.

Vijeće je vodilo objedinjenu raspravu po tačkama 7., 8. i 9. dnevnog reda.

7. Tačka

Prijedlog odluke o izmjeni i dopuni Odluke o utvrđivanju kriterija raspodjele sredstava za sport iz Budžeta Općine Kakanj

8. Tačka

Izveštaj o realizaciji Programa rasporeda sredstava za sport za 2025. godinu

9. Tačka

Prijedlog programa rasporeda sredstava za sport za 2026. godinu

Predlagač: Općinski načelnik

Obrađivač: Služba za društvene djelatnosti, boračka pitanja, raseljena lica, izbjeglice i povratnike

Izjavitelj: Edin Aliefendić, pomoćnik općinskog načelnika

U diskusiji je učestvovao Dževdet Huskić.

Dževdet Huskić: je podsjetio na amandmane vijećnica Naše stranke za izdvajanja sredstava za ženske sportske klubove i ukazao na nejednake uslove koji se nude u pogledu bavljenja sportom. Dodao je da, ukoliko bi se odvojila posebna sredstva za tu namjenu, klubovi bi bili u mogućnosti oformiti ženske timove.

Nakon rasprave Vijeće je usvojilo Odluku o izmjeni i dopuni Odluke o utvrđivanju kriterija raspodjele sredstava za sport iz Budžeta Općine Kakanj sa 21 glasom ZA, bez glasova PROTIV i 5 glasova UZDRŽAN, te Zaključak o prihvatanju Izveštaja o realizaciji Programa rasporeda sredstava za sport za 2025. godinu, sa 23 glasa ZA, bez glasova PROTIV i 5 glasova UZDRŽAN i Program rasporeda sredstava za sport za 2026. godinu, sa 22 glasa ZA, bez glasova PROTIV i 5 glasova UZDRŽAN.

Vijeće je vodilo objedinjenu raspravu po tačkama 10. i 11. dnevnog reda.

10. Tačka

Izveštaj o realizaciji Programa rasporeda sredstava boračkim udruženjima za 2025. godinu

11. Tačka

Prijedlog programa rasporeda sredstava boračkim udruženjima za 2026. godinu

Predlagač: Općinski načelnik

Obrađivač: Služba za društvene djelatnosti, boračka pitanja, raseljena lica, izbjeglice i povratnike

Izjestilac: Edin Aliefendić, pomoćnik općinskog načelnika

U diskusiji nije niko učestvovao i Vijeće je usvojilo Zaključak o prihvatanju Izveštaja o realizaciji Programa rasporeda sredstava boračkim udruženjima za 2025. godinu, sa 22 glasa ZA, bez glasova PROTIV i 4 glasa UZDRŽAN, te Program rasporeda sredstava boračkim udruženjima za 2026. godinu, sa 23 glasa ZA, bez glasova PROTIV i 5 glasova UZDRŽAN.

Vijeće je vodilo objedinjenu raspravu po tačkama 12. i 13. dnevnog reda.

12. Tačka

Izveštaj o realizaciji Programa rasporeda sredstava za obilježavanje značajnih datuma i manifestacija za 2025. godinu

13. Tačka

Prijedlog programa rasporeda sredstava za obilježavanje značajnih datuma i manifestacija za 2026. godinu

Predlagač: Općinski načelnik

Obrađivač: Služba za društvene djelatnosti, boračka pitanja, raseljena lica, izbjeglice i povratnike

Izjestilac: Edin Aliefendić, pomoćnik općinskog načelnika

U diskusiji nije niko učestvovao i Vijeće je usvojilo Zaključak o prihvatanju Izveštaja o realizaciji Programa rasporeda sredstava za obilježavanje značajnih datuma i manifestacija za 2025. godinu, sa 22 glasa ZA, bez glasova PROTIV i 6 glasova UZDRŽAN, te Program rasporeda sredstava za obilježavanje značajnih datuma i manifestacija za 2026. godinu, sa 22 glasa ZA, bez glasova PROTIV i 5 glasova UZDRŽAN.

14. Tačka

Izveštaj o realizaciji Programa utroška namjenskih sredstava za zaštitu okoline Općine Kakanj za 2025. godinu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika

U diskusiji je učestvovao Dževdet Huskić.

Dževdet Huskić: je rekao da bi se dalo diskutovati o Izveštaju jer se sredstva ne koriste dovoljno (25% neiskorištenih sredstava). Osvrnuo se na visok iznos sredstava koja se troše na ručno i mehaničko pranje ulica, a stanje na terenu ne pokazuje učinke te potrošnje. Predložio je da, nakon izdavanja naloga da se ulice očiste, i Odsjek za inspekcije izađe na teren sa nalogom da utvrdi čistoću ulica kad se ovoliko sredstava izdvaja, a učinci su neprimijetni.

Vijeće je nakon rasprave usvojilo Zaključak o prihvatanju Izveštaja o realizaciji Programa utroška namjenskih sredstava za zaštitu okoline Općine Kakanj za 2025. godinu, sa 22 glasa ZA, 1 glas PROTIV i 5 glasova UZDRŽAN.

15. Tačka

Izveštaj o realizaciji Programa utroška sredstava iz Budžeta Općine Kakanj za podsticaj razvoja poduzetništva i obrta za 2025. godinu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika

U diskusiji nije niko učestvovao i Vijeće je usvojilo Zaključak o prihvatanju Izveštaja o realizaciji Programa utroška sredstava iz Budžeta Općine Kakanj za podsticaj razvoja poduzetništva i obrta za 2025. godinu, sa 21 glasom ZA, bez glasova PROTIV i 6 glasova UZDRŽAN.

16. Tačka

Izveštaj o realizaciji Programa utroška sredstava iz Budžeta Općine Kakanj za podsticaj u poljoprivredi za 2025. godinu

Predlagač: Općinski načelnik

Obrađivač: Služba za privredu, urbanizam i zaštitu okoline

Izjestilac: Mirza Fazlić, pomoćnik općinskog načelnika

U diskusiji nije niko učestvovao i Vijeće je usvojilo Zaključak o prihvatanju Izveštaja o realizaciji Programa utroška sredstava iz Budžeta Općine Kakanj za podsticaj u poljoprivredi za 2025. godinu, sa 21 glasom ZA, bez glasova PROTIV i 6 glasova UZDRŽAN.

17. Tačka

Prijedlog odluke o razrješenju Maje Benić – člana Općinske izborne komisije

Obrađivač: Stručna služba za poslove Općinskog vijeća

U diskusiji nije niko učestvovao i Vijeće je usvojilo Odluku o razrješenju Maje Benić – člana Općinske izborne komisije, 24 glasa ZA, 1 glas PROTIV i 2 glasa UZDRŽAN.

Predsjedavajući je zaključio rad 14. sjednice Općinskog vijeća u 11:30'.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Emir Zaimović

**PREDSJEDAVAJUĆI
OPĆINSKOG VIJEĆA**
Slaven Katičić